

TĒ 9 CHIUⁿ SĪN-KENG HĒ-THÓNG

SĪn-keng sĭ teh **chú-cháiⁿ** sin-thé só-chāi chok-iōng ê ki-koan, ũ hun chòe:

1. Tiong-chhu-khì-koan (中樞器官, *central nervous organ*).

2. Thôn-tō-khì (傳道器, *conducting nerves*).

3. Chiong-khì (終器, *end organs*).

I. Tiong-chhu-khì-koan chiū-sĭ náu-chhé (腦髓, *brain*), kap chek-chhé (脊髓, *spinal cord*), chòe sĪn-keng tiong-ng ê cheng-hú; sĭ-siōng teh siū seng-khu tak só-chāi chin chòe ê chhi-kek (刺戟, *stimulus*), koh-chài kàng bēng-lēng kàu kun-bah, hō i ōe thàn i ê ì-sù (tē 91, 93 tô).

II. Thôn-tō-khì sĭ sĪn-keng-chhiam-ĭ lâi chiâⁿ-ê, (ū-sĭ kiò-chòe náu-kun, náu-sòaⁿ, *nerve*). Tĭ chiah-ê ê tiong-kan ũ-ê thôn chhi-kek kàu tiong-chhu-khì, ũ-ê sàng bēng-lēng kàu bé-liu, chhin-chhiūⁿ tiān-sìn-sòaⁿ ê khoán (tē 93 tô).

III. Chiong-khì sĭ chhin-chhiūⁿ tak só-chāi siat ê tē-hng thiaⁿ, lâi kám-siū kiok-pō ê chhi-kek. Chiah-ê chhi-kek sĭ chhin-chhiūⁿ peh-sĭⁿ jiáu-lōan á-sĭ hoaⁿ-hí, á-sĭ ũi-tiòh sĭm-mih tai-chì beh jip pín; i ê chhi-kek, seng kàu thiaⁿ, chiū-sĭ chiong-khì; chiah keng-kè thôn-tō-khì, chiah sàng kàu tiong-chhu-khì. Chiong-khì sĭ teh chòe chit hō ê lō-ēng, chhin-chhiūⁿ ngō-koan-khì hit khoán-ê.

Náu kap chek-chhé thang **pí-phēng** chhin-chhiūⁿ kòng tiān ê lāng, tĭ tiān-pò-kiok, iā sĪn-keng **chhin-chhiūⁿ** tiān-sòaⁿ; tui tiān-pò-kiok sĭ-kòe thôn kàu tak só-chāi. Tui gōa-bĭn hit ê lāng **siū** tiān-pò kóng-khì gōa-bĭn ê sū; iā i thang kòng tiān-pò, kàng bēng-lēng kah gōa-bĭn ê lāng tiòh chòe tai-chì.

Kun-bah, chōaⁿ-thé ê lâi-bĭn ũ chiong-khì, tui thôn-tō-khì siū-tiòh tiong-chhu-khì ê bēng-lēng, lâi kiâⁿ i ê chok-iōng.

SĪn-keng-chor-chit sĭ sĪn-keng sòe-pau, kap sĪn-keng-chhiam-ĭ, í-kip chit ê tèk-piát kiát-liân ê chor-chit lâi chiâⁿ.

Chiah ê sĪn-keng sĭ tui náu-chhé kap chek-chhé hun chhut-ê; sĭ chin chòe ê sĪn-keng-chhiam-ĭ chū-chip saⁿ-háp lâi chiâⁿ, kàu tĭ sin-thé tak só-chāi, chiām-chiām hun, khì kàu hō bák-chiu só khòaⁿ bōe-tiòh ê **chhiam-sĭ** (*nerve fibrils*). Iā hun-pò tĭ kú-i-nā khoán ê ki-koan-tiong, lâi chiap-liân chiong-khì (tē 93 tô).

Náu-chhé sĭ tĭ thâu-khak-khang-lāi ê ki-koan, téng-bĭn sĭ phòng ê khoán-sit. Náu-chhé ũ saⁿ tēng mōh pau-teh (tō 94 tô); tē it tēng sĭ mèh-lók-mōh (脈絡膜, *piamater*). Chit tēng tĭ hit chĭn lâi-bĭn kap náu-chhé saⁿ-liân, tē náu-chhé ê **oan-khiau** hit ê sè-bĭn lâi pau i.

Tē jĭ tēng sĭ ti-tu-mōh (蜘蛛膜, *arachnoid*). Chit tēng sĭ chit chéng nng-jūn ê mōh; ōe sĭⁿ **tin-èk** miá kiò náu-chek-chhé-ék (腦脊髓液, *cerebrospinal fluid*). Hit ê tin-èk chhiang-chāi tĭ náu-tóe-nih, iā ũ tĭ thâu-khak chhé-nih, chek-chhé-nih kap chek-chhé-khang-lāi. I ê kong-iōng sĭ teh pó-hō náu-chhé hō i bōe siū-siong, koh ōe hō náu ê lát khak pĭⁿ tú hó; chiū-sĭ bō hō chit tē pí hit tē siū teh ê lát khak tâng ê ì-sù. Nā náu-chek-chhé-ék tui hĭ-á lâu-chhut-lâi, chiū thang chài thâu-khak-kut-tóe ũ tng, á-sĭ chih-khì.

Tē saⁿ tēng sĭ kēng-mōh (硬膜, *dura mater*) Chit tēng sĭ tē it kàu koh chin kian-kò, khàm tĭ náu-chhé ê chĭn gōa-bĭn tēng, iā chòe thâu-kòe ê lâi-bĭn mōh. Chit saⁿ tēng mōh, m-nā kan-ta tĭ náu-chhé-nih, koh-chài thau kàu chek-thiāu-kng lâi pau chek-chhé, só-í miá kiò-chòe náu-chek-chhé-mōh (腦脊髓膜). Náu-chhé hun chòe sĭ pō-ūi:

1. Tōa-náu (*Cerebrum*).
2. Tiong-náu (*Pons Varolii*).
3. Sió-náu (*Cerebellum*).
4. Iân-chhé (延髓, *Medulla oblongata*).

I. Tōa-náu tĭ thâu-khak-khang ê hit téng-bĭn, chiām chòe tōa pō-hun ê mih, sĭ chó-iū ê tōa-náu-pòⁿ-kiū lâi chiâⁿ-ê. Chit ê chó-iū pòⁿ-kiū ê tiong-ng, ũ chit tiâu tit-tit ê lih-phāng, chiū-sĭ tui chēng-bĭn thau kàu āu-bĭn; chóng-sĭ hit ê phāng m-sĭ **keh-tng**, sĭ ũ chòe-chòe sĪn-keng-chor-chit saⁿ liân-teh. Náu-chhé tui gōa-bĭn lâi khòaⁿ, ũ chòe-chòe hōe-hùn khut-khut khiok-khiok chhin-chhiūⁿ hūt-thō-jĭn ê khoán-sit; hūn-tiong ê **khang-khiah** ũ chhim khín bō saⁿ-tāng, tē it chhim-ê chha-put-to chit chhùn chhim; kok lāng ê náu-chhé ê hūn iáh bō sio-tāng. Eⁿ-á ê hūn khak bō chhim iáh bō sĭm-mih bēng; kàu tiong-liân chiū khak-bēng.

Náu-chhé ũ sĪn-keng-sòe-pau (神經細胞, *nerve cells*), sĪn-keng-chhiam-ĭ (神經纖維, *nerve fibres*), kap sĪn-keng-chhiam-ĭ tiong-kan ê chit, chiū-sĭ tèk-piát kiát-liân ê chor-chit (*neuroglia*).

II. Tiong-náu ê só-chāi, sĭ tĭ tōa-náu ê ē-bĭn pēng. Tiong-náu tĭ téng-bĭn kap tōa-náu kiát-liân; tĭ āu-bĭn kap sió-náu kiát-liân; ē-tóe kap iân-chhé kiát-liân; só-í ũ-sĭ miá kiò-chòe náu-kiò (腦橋; tē 95 tô). Náu ê gōa-bĭn sĭ hé-hu-sek ê

chơ-chit, lāi-bīn sī pèh ê chơ-chit. Tī náu-lāi ū gō ê khang, miâ kiò náu-sek (腦室, *ventricle*). Tī náu-sek-lāi ū náu-chek-chhé-ék (腦脊髓液, *cerebro-spinal fluid*).

III. Sió-náu sī tī tōa-náu ê āu-bīn ê ē-pō, chó-iū ê sió-náu-pòⁿ-kiū lāi chiāⁿ-ê. Sió-náu ê téng-bīn-pō, kiát-liân tī téng-bīn ê chơ-chit, beh khi tōa-náu ê só-chāi. Sió-náu ê tiong-ng-pō, kiát-liân tī tiong-náu; ē-bīn-pō, kiát-liân tī iân-chhé. Chit ê kiát-liân ê chơ-chit, kiò chòe sió-náu-kha (小腦腳, *cerebellar peduncle*), ū saⁿ tui kha kiát-liân-teh (tē 95 tô).

IV. Iân-chhé sī chek-chhé kap tiong-náu chiap-liân ê só-chāi, sī chha-put-to chit chhùn tng. Sîn-keng-chhiam-î tui náu-chhé thau tui ē-bīn, kàu iân-chhé. Tī iân-chhé ê sí, chiah ê sîn-keng sio phóah, hun tui ē-bīn lóh-lái; tī tò-pêng-ê kiāⁿ tui iū-pêng khi, tī iū-pêng-ê kiāⁿ tui tò-pêng khi. Só-í nā tò-pêng ê náu siū-siong, chiū chiāⁿ-pêng ê seng-khu pòan-sin-put-sui, (半身不遂), chiū-sī seng-khu chit pòⁿ bōe tín-tāng.

Náu-chhé ê tâng, lām-ê chiū-sī 1400 grms.; lú-ê, 1260 grms.

Lâng ê náu nā khah tōa, bô tek-khah sī khah gâu, iā lāng ê náu nā sòe, bô tek-khak sī khah gōng.

Chek-chhé sī kap iân-chhé sio-liân, khng tī chek-chui-khang-lāi (脊椎孔). Gōa-bīn iā ū saⁿ têng ê chek-chhé-mòh pau-teh, chhin-chhiūⁿ tōa-náu chit-poaⁿ-iūⁿ, chóng-sī chek-chhé ê lāi-bīn sī hé-hu sek, gōa-bīn sī pèh ê chơ-chit, tú-tú kap tōa-náu tui-hóan.

Chek-chhé ê hêng-chōng, sī sió-khóa píⁿ-píⁿ píⁿ-píⁿ ê íⁿ-thiāu. Thâu-chêng ê tiong-ng ū chit tiâu tit-tít ê lih-phāng, tī āu-bīn iā ū koh chit tiâu lih-phāng, kiò-chòe chêng-āu-chhiòng-liát (前後縱裂, *anterior and posterior median fissures*). Chiah ê phāng pun chek-chhé chòe chó-iū nng pêng. Chiah ê lih-phāng m-sī keh-tng (tē 96 tô).

Tī chek-chhé ê tiong-ng, ū chit ê khang kap náu-sek saⁿ thau. Tī ti-tu-mòh kap mèh-lòk-mòh ê tiong-ng ū náu-chek-chhé-ék, teh pó-hō chek-chhé, hō i bōe-ōe iô-tāng (tē 94, 97 tô).

Sîn-keng ū pun chòe:

1. Náu-sîn-keng (*Cranial nerves*).
2. Chek-chhé-sîn-keng (*Spinal nerves*).
3. Kau-kám-sîn-keng (交感神經, *Sympathetic nerves*).

Náu-sîn-keng ū chấp-jī tui, sī tui tōa-náu, tiong-náu, kap iân-chhé só hoat-chhut ê, pài-liát tī ē-tóe (tē 98 tô):

I. Tē it tui, sī kàu phīⁿ-nih, lāi kóan phīⁿ ê sū (ti-kak 知覺, *sensory*)

II. Tē jī tui, kàu bák-chiu, kóan khòaⁿ ê sū (ti-kak).

III. Tē saⁿ, tē sì, kap tē lāk tui, kàu bák-chiu ê kun-

IV. bah, kóan i òe chhun, kiu, chiah hō bák-chiu

VI. òe tng-lùn (ūn-tōng, 運動, *motor*)

V. Tē gō tui, kàu bīn kap chhui-chih. Lāng nā chhui-khí thiāⁿ sī hōan-tiòh tē gō tui (ti-kak kap ūn-tōng).

VII. Tē chhit tui, kàu bīn. Lāng nā chhiò, háu, sī ēng chit tiâu, hō bīn-nih ê kun-bah òe chhun kiu (ūn-tōng, iā hō lāng òe chai chu-bī).

VIII. Tē poeh tui, kàu hī-khang, kóan thiaⁿ-kìⁿ (ti-kak).

IX. Tē káu tui, kàu ian-thau kap chhui-chih, hō lāng òe chai chu-bī (ti-kak).

X. Tē chấp tui, kàu hì, sim, siaⁿ-tài, chiáh-tō, kap ūi (ti-kak kap ūn-tōng).

XI. Tē chấp-it tui, kàu âm-kún kap keng-thau ê kun-bah (ūn-tōng).

XII. Tē chấp-jī tui, kàu chhui-chih, hō i òe ūn-tōng.

Nā khòaⁿ tē 96 tô òe chai chek-chhé ê lāi-bīn ū chit ê H-jī hêng ê chơ-chit; chit-ê chiū-sī hé-hu-sek ê chơ-chit. Thâu-chêng āu-bīn líong pêng ū kak, kiò-chòe chêng-kak, āu-kak. Tui chêng-kak ū hoat chhut chek-chhé-sîn-keng ê chêng-kun; tui āu-kak ū hoat chhut chek-chhé-sîn-keng ê āu-kun. Chit nng tiâu chêng āu kun, òe liām-piⁿ sio-háp, chòe chit tiâu kong ê sîn-keng, iā chit tiâu kong-ê, liām-piⁿ koh pun chêng-chi, hō-chi, si-kòe thoaⁿ, kàu thong seng-khu (tē 99, 93 tô).

Chiah ê sîn-keng tui chek-chhé só hoat-chhut-ê, kiò-chòe chek-chhé-sîn-keng. Chek-chhé-sîn-keng ū saⁿ-cháp-it tui, chiah-ê tui āu-kak hoat-chhut-ê chiū-sī kóan ti-kak ê sîn-keng; tui chêng-kak hoat-chhut-ê chiū-sī teh kóan ūn-tōng ê sîn-keng. Chiah ê sîn-keng sī chhin-chhiūⁿ sòaⁿ, si-kòe thòaⁿ, kàu thong seng-khu.

Sîn-keng ū nng khoán chiū-sī ti-kak-sîn-keng (知覺神經, *sensory nerves*), kap ūn-tōng-sîn-keng (運動神經, *motor nerves*). Chiah-ê ū nng hāng ê lō-ēng, chit hāng sī tui gōa-bīn lāi thong-tī náu, hō lāng òe kak-ngō, òe chai seng-khu-gōa ê sū; chit hō sī kiò-chòe ti-kak-sîn-keng. Koh chit-hō òe bēng-lēng kun, hō i òe thàn lāng ê ì-sù lāi chhun kiu; chit hō kiò-chòe ūn-tōng-sîn-keng.

Lâng put-lūn beh chòe sím-mih, sī tùi náu tãi-seng chú-í, sîn-keng chiū liâm-piⁿ thôn bēng-lēng kàu kun, hō i òe thàn i ê ì-sù, put-lūn sī hō i chhun á kiu, bô m̄-thàn i ê bēng-lēng. Taⁿ siat-sú hit ê kóan bó só-chāi ê ūn-tōng-sîn-keng lâi koah-tng, sui-jân ū chú-ì beh hō hit só-chāi tín-tāng, iah bōe thàn i; só-í òe chai sī tùi ūn-tōng-sîn-keng lâi thôn náu ê hoan-hù, kun chiū òe chhun-kiu.

Phê ê lâi-bīn ū sîn-keng chōe-chōe, só-í kiám-chhái chhák-tiòh, á-sī sio-tiòh, á-sī put-lūn bong sím-mih mih, chiū liâm-piⁿ òe chai; taⁿ siat-sú hit ê kóan bó só-chāi ê ti-kak-sîn-keng lâi koah-tng, chiū hit só-chāi lóng m̄-chai thiàⁿ, m̄-chai chiūⁿ; in-ūi án-ni thang chai hit ê ti-kak-sîn-keng sī thôn ti-kak ê chhi-kek.

Phê ê sîn-keng òe hun-piat sio-léng, chho-iù, tâm-ta, iáu-kú bōe hun-piat tiⁿ, kiâm, sng, khó; chiah-ê sī háp tī chhui-chhiⁿ ê sîn-keng só òe hun-piat-ê, kiò-chòe bī-sîn-keng (味神經). Hit ê ti-kak-sîn-keng òe pun kúi-nā hō-ê, chhin-chhiūⁿ tī bák-chiu-lāi ê sîn-keng òe hun-piat kng-âm, hō lāng òe khòaⁿ-kiⁿ, kiò-chòe sī-sîn-keng (視神經); tī hī-khang-ê, sī hun-piat siaⁿ-im, hō lāng òe thiaⁿ-kiⁿ, kiò-chòe theng-sîn-keng, (聽神經); tī phīⁿ-khang-lāi-ê, sī hun-piat phang-chhàu, kiò-chòe hiù-sîn-keng (嗅神經); tī chhui-chhiⁿ-ê, hō lāng òe chai kiâm-chiáⁿ, sng, khó, kiò-chòe bī-sîn-keng; tī phê-ê hō lāng nā bong-tiòh mih, òe hun-piat sī tōa-sòe, chho-iù, sio-léng, khin-tāng. Chiah-ê lóng sī iàu-kín hō lāng chai seng-khu-gōa ê tãi-chi.

Chhiú ê sîn-keng sī tùi kēng-chui-sîn-keng (頸椎), kap heng-chui-sîn-keng (胸椎) hoat-chhut-ê, chiū-sī tùi âm-kún ē-pō ê ê só-chāi.

Kha ê sîn-keng sī tùi io-chui-sîn-keng (腰椎神經), kap chiàn-kut-sîn-keng (薦骨) hoat-chhut-ê.

Tē saⁿ chéng ê sîn-keng, sī tī pak-tó kap heng-khám-lāi, teh liáu-lí lâi-chōng, kiò-chòe kau-kám-sîn-keng, (交感神經, *Sympathetic nerves*).

Tōa-náu ê chok-iōng: Tōa-náu siū bé-liu ê chhi-kek (*stimulus*), lâi kám-kak, chiū-sī ngó-koan-khì ê tiong-chhu-khì. Iā kàng bēng-lēng kàu kun-bah hō in òe thàn i ê ì-sù, chiū-sī ēng i ê chú-ì lâi hō sùi-ì-kun (隨意筋) tín-tāng; iā sī chhōan-jiân tók-lip ê tiong-chhu-khì. Koh-chài tōa-náu sī tōa cheng-sîn ê só-chāi, ì-sek, phòⁿ-tòan liáu-sū, phah-sng, ki-ek (記憶, *memory*). Chóng-sī án-cháiⁿ-iūⁿ chiah ū chit khoán ê kí-léng, hiān-chhú-si iáu-bē chai.

Sió-náu ê chok-iōng, sī hō lāng òe kiáⁿ, òe khiā, òe khiā tit-tit bô iô-choah, iā teh kóan sùi-ì-kun ê khui-lát.

Iân-chhé sī teh kóan sim kap hi. Nā-sī iân-chhé siū-siong, tãi-khai lāng chiū òe sí, só-í iân-chhé sī teh tē iàu-kín ê só-chāi.

Chek-chhé kap sîn-keng ê chok-iōng, chit hāng sī teh thôn chhi-kek tùi bé-liu kàu tōa-náu; kap thôn tōa-náu ê bēng-lēng kàu kun-bah, lâi-chōng, seng-khu ták ūi.

Lâng ê chhiú tín-tāng ê sí, ū chit ê chhi-kek sī tùi tōa-náu hoat. Chit ê chhi-kek só kiáⁿ ê lō, chiū-sī tōa-náu, tiong-náu, iân-chhé (tī iân-chhé ê lâi-bīn, chiah ê sîn-keng kè pēng), chek-chhé, chek-chhé ê chēng-kak, chek-chhé-sîn-keng ê chēng-kun, chhiú kun-bah ê sîn-keng, kàu sîn-keng ê bé-liu (tē 99, 100 tô.)

Chiah ê chhi-kek, nā tùi tōa-náu iū-pēng khí, seng-khu chó-pēng òe tín-tāng; iā nā tùi tōa-náu chó-pēng khí, seng-khu iū pēng òe tín-tāng. Chit-ê sī in-ūi ūn-tōng-sîn-keng teh kè pēng (*crossing of the motor nerve fibers in the medulla*). Iū-chhiú nā chhák-tiòh, hit ê thiàⁿ ê chhi-kek ū thôn kàu tōa-náu, m̄-sī iū-pēng, sī kàu chó-pēng. Chiah ê ti-kak ê chhi-kek teh chiūⁿ kàu tōa-náu ê sí, tī chek-chhé kap iân-chhé ê lâi-bīn ū keng-kè tùi hit pēng chiūⁿ-khì.

Khòaⁿ tē 100 tô chiū òe chai ūn-tōng ê chhi-kek, kap ti-kak ê chhi-kek só tiòh kiáⁿ ê lō, iā só tiòh keng-kè ê só-chāi. Hit ê kah tōa tiâu o-o-ê, sī ūn-tōng chhi-kek ê lō, hiah ê chit tiám chit tiám kah sòe-ê, sī ti-kak chhi-kek ê lō. Hiah ê chitⁿ teh pí hō lāng chai, ūn-tōng ê chhi-kek teh lóh-kē, ti-kak ê chhi-kek teh chiūⁿ kôaiⁿ.

N C H,	Tōa-náu chó-pēng,
N I,	Tōa-náu iū-pēng,
C,	Chek-chhé,
P K,	Phê, kap Kun-bah,
a b,	Tī iân-chhé kè-pēng ê só-chāi.

Hóan-èng-chok-iōng (反應作用, *Reflex action*). Chit-ê chiū-sī chek-chhé koh chit hāng ê chok-iōng, ū-sī kiò-chòe hóan-siā-chok-iōng. Chhek-kài-kut ê ē-tóe thâu-chēng ū chit tiâu kun, nā ká i kòng chit-ê, kha chiū ka-kī òe sió-khóa that chìn-chēng. Chit-ê m̄-sī lāng ê chú-í chiah án-ni. Chit ê lí, sī kòng ê chhi-kek, kiáⁿ kè ti-kak-sîn-keng kàu chek-chhé. Tī chek-chhé-lāi, liū-thôn kàu ūn-tōng-sòe-pau, tùi chia chhi-kek thôn kè ūn-tōng-sîn-keng, kàu kha kun-bah ê sîn-keng bé-liu, hō kha òe that tùi thâu-chēng-khì.

Nā khòaⁿ tē 101 tô, chit hō hóan-èng-chok-iōng khah òe hiáu-tit. Tī chia N sī sîn-keng-sòe-pau. Thôn chhì-kek kàu hia chiū-sī sîn-keng A. Chit tiâu sîn-keng sī tùi phê-hu S lâi. Kap sîn-keng-sòe-pau ū koh chit tiâu sîn-keng saⁿ-liân E; chit tiâu kiâⁿ kàu kun-bah M. Nā-sī phê-hu siū-tiòh chhì-kek, chhin-chhiūⁿ chhák-tiòh, sio-tiòh, **chit** ê chhì-kek liâm-piⁿ thôn tùi sîn-keng A, kàu sòe-pau N. Sòe-pau siū-tiòh chit ê chhì-kek, liâm-piⁿ kàng bēng-lēng kàu kun-bah M. Chit ê bēng-lēng só kiâⁿ ê lô, chiū-sī hit tiâu E sîn-keng; tùi án-ni hit ê kun-bah M, chiū liâm-piⁿ kiu-khí-lâi. Sîn-keng A sī ti-kak-sîn-keng; sîn-keng E sī ūn-tōng-sîn-keng. Lâng nā chhui-lâi kâm sng ê mih, nōa-chôaⁿ chiū liâm-piⁿ chhut nōa-ék khah chōe; chit-ê iā sī tùi hóan-èng-chok-iōng.

Khùn, sī sîn-keng tiāⁿ-tiòh ê sī-kí; hit ê sī-chūn, tiong-chhu-khì-kuan cheng-sîn ê chok-iōng chiām-sī thêng. Ài khùn ê **in-toaⁿ**, iáu-bē tek-khak chai, ū kúi-nā ê lí-lūn: chit-ê sī tī náu-lâi ê huìh-kng ū **sok-óa**, hō náu-lâi ê huìh khah chíó, hō náu chiām-sī pîn-huih (*anaemia*). Ū lâng kóng, chit-ê ê in-toaⁿ sī lâng cheng-sîn ê sī, teh chòe kang á-sī thak-chheh, bô lô-ēng ê mih chhin-chhiūⁿ thòaⁿ-sng, ū **chek-chū** tī i ê seng-khu-lâi; iā hit ê thòaⁿ-sng nā kè-thâu òe kám-kek iân-chhé. Iân-chhé ê chok-iōng ê chit hāng sī teh kóan-lí huìh-kng, tùi án-ni náu-lâi ê **huìh**-kng òe sok-óa, hō huìh lī-khui náu, án-ni chiū lâng òe ài beh khùn. Teh khùn ê sī, hiah-ê bô lô-ēng ê mih ū pài-chhut, iā seng-khu ê lát ū chek-chū khah chōe. Tiong-chhu-khì nā ū chu-ióng-liâu kàu-giáh chōe, lâng liâm-piⁿ chiū chíⁿ.

